



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.org/urn:nbn:de:hbz:466:1-68633)

METRICA PARAPHRASIS.

QVONAM insolenti lingua verborum incita
Lubricitate ruis

Per celsa Magnatum atria? &

Que censor oculus signat obtutu, aut gemens

Obuia turba notat,

Tu publicè in crimen vocas?

Ne tange celsa montium cacumina

Æmula sideribus,

Ne te ruinis opprimant.

Susplicere fas est, eminentis imperi

Quos Deus arce locat,

Terrisq̃ue mortales deos.

Hos si proterua Cypris, aut Cypridis puer

Ignea tela vibrans

In vitia transuersos agit,

Mollisq̃ue luxus soluit elumbi otio,

Aut malefuada fames

Auri, in rapinas infime

Per fas nefasq̃ue plebis infestis trahit,

Ut rabiosa lupos

Sitis cruoris euocat;

Tu cuncta cecis palpebris, quæ per viam

Obuia se dederint,

Et aure surda præteri.

Nec impotenti Regiæ domus probra,

Aut diadema feri

Linguae procacis spiculo:

Nec carpe Proceres, queis opum ad palatia

Copia strauit iter,

Et parta nummis gratia.

Licet sub imo mussitaris fornice,

Aaaaa 3

Aut

Aut nemorum latebris,
 Manuque vocem presseris;
 Licet absque teste aut conscio exili sono,
 Facta pudenda Ducum
 Sub dente ruminaveris;
 Erumpet aliqua proditor cordis sonus
 Pectoris è latebris,
 Et regias petet fores.
 Et quæ cubilis gemuit inter stragula
 Ac sine teste dolor,
 Spargent per auras Attides,
 Vagum, Volucre, garrulum Progenes genus,
 Quæque flet ales Ityn,
 Et psittaci, & pica, & grues.
 Viden' ut calumniantium paci hauriat
 Insidiosa cohors
 Patulis susurros auribus?
 Et verba furtim rapta, vix oris leui
 Dimidiata sono,
 In Regios fundat sinus?
 Et ut deesset turba Magnatum atrii
 Plaustra referta probris
 Calumniarum subuehens;
 Aurita metue saxa priuati Laris,
 Connubijque torum, &
 Tabulata rimis peruia.
 Vis ergo tutus degere à sceptri minis,
 Nec metuenda pati
 Potentiorum fulmina;
 Cereris Eleusis textit ut mysteria,
 Supprime probra Ducum,
 Et scire quæ scis abnega.